

**Godišnji program rada
Kantonalnog suda u Bihaću
2021 – 2023**

Bihać, juni 2021. godine

Sadržaj:

A. Uvod	2
1) Opis nadležnosti suda, sa vizijom i izjavom o misiji. Mandat, misija i vizija	3
2) Strateški okvir, relevantan za ovo strateško planiranje	4
3) Sažetak prioriteta za plansku godinu, kao i procjene mogućih problema i rizika u realizaciji;	5
4) Analiza unutrašnjeg i vanjskog okruženja u kojem radi sud	7
B. Pregled strateških ciljeva suda	9
C. Trogodišnji ciljevi i aktivnosti po strateškim ciljevima	10
D. Godišnji plan rješavanja predmeta	12

A. Uvod

Program rada Kantonalnog suda u Bihaću za period 2021.-2023. godina, predviđa realizaciju zadataka i poslova koji proizilaze iz nadležnosti ustanovljene Ustavom BiH, Ustavom FBiH, Zakonom o sudovima u FBiH, Zakonom o VSTV-u BiH, te drugim zakonskim i podzakonskim propisima kojima se reguliše nadležnost sudova.

Ovim programom rada osiguravaju se uslovi za blagovremeno, efikasno, kvalitetno, profesionalno i transparentno obavljanje poslova iz utvrđene nadležnosti suda.

Strateški cilj ovog suda je da održi rezultate postignute u prethodnom periodu, te da dodatno poboljša efikasnost i kvalitet u donošenju odluka u cilju pružanja pravne sigurnosti svim građanima na području Unsko-sanskog kantona i njihovu bolju informisanost o aktivnostima suda.

Analizom dosadašnjih rezultata rada u ovom sudu može se konstatovati da je sud ažuran i da je kvalitet sudskih odluka, iako ima prostora za dodatno poboljšanje, na zadovoljavajućem nivou. Ostvarena kolektivna norma na nivou suda u prethodnim godinama, kao i individualna norma sudaca, pokazatelj je stalnog nastojanja da se ažurnost suda postavi na zavidan nivo.

Strateški pristup je fokus usmjerio na tri konkretna strateška cilja:

1. Unapređenje efikasnosti rada suda
2. Unapređenje kvaliteta sudskih odluka
3. Unapređenje transparentnosti rada suda

Ostvarenjem ovih strateških ciljeva će se doprinijeti unapređenju rada suda i unapređenju percepcije javnosti u vezi značaja koji ovaj sud ima u postupku vladavine prava.

1) Opis nadležnosti suda, sa vizijom i izjavom o misiji. Mandat, misija i vizija

Mandat suda

Kantonalni sud u Bihaću osnovan je Zakonom o sudovima u Federaciji Bosne i Hercegovine („Službene novine F BiH“ broj: 38/05, 22/06, 63/10, 72/10 7/13 i 52/14) za područje Unsko-sanskog kantona. Stvarna nadležnost ovog suda propisana je članom 28. istog zakona a obuhvata slijedeće:

1. Prvostepena nadležnost:

- a) da sudi za krivična djela za koja je zakonom propisana kazna zatvora više od 10 godina ili dugotrajni zatvor, ako zakonom nije određena nadležnost drugog suda;
- b) da postupa u toku istrage i nakon podizanja optužnice u skladu sa zakonom;
- c) da sudi za krivična djela za koja je Sud Bosne i Hercegovine prenio nadležnost na kantonalne sudove i
- d) da odlučuje u svim upravnim sporovima kao i u zahtjevima za zaštitu sloboda i prava utvrđenih ustavom ako su takve slobode i prava povrijeđeni konačnim pojedinačnim aktom ili radnjom službenog lica u organima uprave odnosno odgovornog lica u preduzeću, ustanovi ili drugom pravnom licu kada za zaštitu tih prava nije osigurana druga sudska zaštita.

2. Drugostepena nadležnost:

- a) da odlučuje o žalbama protiv odluka općinskih sudova
- b) da odlučuje o žalbama izjavljenim na rješenja o prekršajima
- c) da odlučuje o drugim redovnim i vanrednim pravnim lijekovima ako je to određeno zakonom

3. Ostalo:

- a) da rješava o sukobu mjesne nadležnosti između općinskih sudova sa područja kantona
- b) da odlučuje o prenosu mjesne nadležnosti sa jednog općinskog suda na drugi općinski sud na području kantona
- c) da odlučuje o brisanju osude i prestanku mjera sigurnosti i pravnih posljedica osude na osnovu sudske odluke
- d) da postupa po molbama za pomilovanje u skladu sa zakonom
- e) da rješava o priznavanju odluka stranih sudova, stranih trgovačkih sudova i stranih arbitraža
- f) da pruža međunarodnu pravnu pomoć u krivičnim predmetima i
- g) da obavlja druge poslove određene zakonom

Misija suda

Kantonalni sud u Bihaću pravovremeno, efikasno, odgovorno, nepristrano, nezavisno, kvalitetno i pravično obavlja zakonom utvrđene poslove.

Vizija suda

Kantonalni sud u Bihaću osigurava svim građanima jednak pristup pravdi u skladu sa zakonom i najvišim standardima zaštite ljudskih prava i sloboda te efikasno i kvalitetno rješava sve postupke.

2) Strateški okvir, relevantan za ovo strateško planiranje

Strateški okvir u najvažnijem dijelu čine slijedeći akti:

1. Ustav Bosne i Hercegovine
Utvrđuje obavezu da sudovi primjenjuju Ustavom propisana ljudska prava i osnovne slobode u vezi sa Evropskom konvencijom za zaštitu ljudskih prava i osnovnih sloboda i njenim protokolima koji se direktno primjenjuju u Bosni i Hercegovini, a čiji član 6. propisuje pravo na pravično suđenje sa posebnim akcentom na suđenje u razumnom roku;
2. Zakon o sudovima u Federaciji Bosne i Hercegovine
Kantonalni sud u Bihaću nadležan je da u prvom stepenu odlučuje o krivičnim i upravnim predmetima, a u drugom stepenu o žalbama protiv odluka općinskih sudova;
3. Zakon o Visokom sudskom i tužilačkom vijeću Bosne i Hercegovine
Visoko sudsko i tužilačko vijeće, između ostalog, imenuje sudije, predsjednika suda, dodatne sudije, sudije porotnike, utvrđuje disciplinsku odgovornost i izriče disciplinske mjere sudijama;
4. Strateški plan VSTV-a
Dokument koji, pored ostalih, kao strateške ciljeve definiše unapređenje i efikasnost sudova, kvalitet rada pravosuđa, te otvorenost i dostupnost informacija o radu pravosudnih institucija u Bosni i Hercegovini;
5. Strategija za reformu sektora pravde u Bosni i Hercegovini
Postavlja strateški okvir za cjelokupan sektor pravde i predviđa da svaka institucija revidira svoje postojeće strateške planove ili izradi nove koji će biti u skladu sa strateškim okvirom cjelokupnog sektora;
6. Revidirana državna strategija za rad na predmetima ratnih zločina
Ova strategija je donesena sa ciljem da se pronađe sistemski pristup problematici rješavanja velikog broja predmeta ratnih zločina;
7. Strategija za borbu protiv organizovanog kriminala u Bosni i Hercegovini
Ova strategija prepoznaje sudove kao važne činioce koji moraju razviti unutrašnje potencijale i kapacitete za efikasnu borbu i strateški pristup problematici organizovanog kriminala;
8. Strategija za borbu protiv korupcije
Ima viziju svijeta u kojem su vlada, poslovni sektor, civilno društvo i svakodnevni život ljudi oslobođeni korupcije, a insistiranje na primjeni zakona i sankcionisanje su osnov ove strategije;
9. Sporazum o stabilizaciji i pridruživanju Evropskoj uniji,
Između ostalog, definiše da će strane u međusobnoj saradnji imati za cilj jačanje nezavisnosti sudstva i unapređenje njegove efikasnosti kao i jednakost u postupanju;
10. Izvještaj stručnjaka o pitanjima vladavine prava u Bosni i Hercegovini (Priebeov izvještaj iz 2019. godine)
Ovim dokumentom se ukazuje na niz nedostataka u vladavini prava u Bosni i Hercegovini;

3) Sažetak prioriteta za plansku godinu, kao i procjene mogućih problema i rizika u realizaciji

Prioriteti Kantonalnog suda u Bihaću za plansku 2021. godinu, a u okviru strateških ciljeva su:

Strateški cilj 1. - Unapređenje efikasnosti rada suda

Ostvarivanje navedenog strateškog cilja odnosi se prvenstveno na povećanje procenta realizacije prvostepenih K predmeta sa akcentom na predmete iz oblasti organizovanog kriminala i korupcije, kao i zadržavanje postignute ažurnosti suda na ostalim referatima rješavanjem priliva predmeta. Navedeni prioriteti su postavljeni nakon izvršene analize rada suda u 2020. godini, koji rezultati su ukazali na potrebu da se na krivičnom referatu poduzmu dodatne mjere i aktivnosti. Vanredna situacija izazvana pandemijom corona virusom imala je znatan utjecaj na rad suda, naročito na prvostepenim krivičnim predmetima sa većim brojem optuženih. Međutim, iako se sud tokom godine prilagodio nastaloj situaciji, te obezbijedio potrebne uslove za održavanje ročišta u ovim predmetima uz pridržavanje svih propisanih epidemioloških mjera, na kraju godine ostalo je osam neriješenih predmeta organizovanog kriminala i korupcije. Kako su dva predmeta nerješiva zbog nedostupnosti optuženih u narednom periodu postupak će se voditi u šest predmeta od kojih su dva predmeta organizovanog kriminala, dva predmeta korupcije i dva predmeta visokog nivoa korupcije. Pored ovih predmeta, u narednom periodu može se očekivati priliv novih predmeta za ova krivična djela. Nepredvidiv rizik za ostvarenje ovog cilja je i nemogućnost tačnog predviđanja potrebnih ljudskih resursa, prevashodno sudija, zbog izostanka tačnih podataka o potencijalnom broju predmeta ratnog zločina koji će ovom sudu biti preneseni u nadležnost i vremenu kada će biti preneseni. Problem sa pandemijom koja je nastavljena i u 2021. godini predstavlja realan i očekivan rizik za potpunu realizaciju postavljenih ciljeva u smislu željenih rezultata.

S druge strane, problemi izazvani corona virusom doveli su do smanjenja priliva predmeta iz drugostepene nadležnosti suda, tako da je ovaj sud postigao maksimalnu ažurnost i 2020. godinu završio sa ukupno 670 neriješenih predmeta. Cilj je u narednom periodu zadržati postignutu ažurnost suda rješavanjem priliva predmeta. Problem koji bi mogao otežati realizaciju ovog cilja je očekivani povećani priliv predmeta sa općinskih sudova nakon stabilizacije rada sudova. Problem bi mogao biti i prestanak mandata određenog broja iskusnih sudija zbog odlaska u penziju. Ako postupak imenovanja novih sudija i bude relativno brzo proveden, proći će neko vrijeme da novoimenovane sudije daju svoj puni doprinos u radu na predmetima iz drugostepene nadležnosti.

Strateški cilj 2. - Unapređenje kvaliteta sudskih odluka

Odnosi se na unapređenje kvalitete sudskih odluka prvenstveno na krivičnim i upravnim predmetima. Analizom statističkih podataka o kvalitetu rada suda u toku 2020. godine evidentan je veći broj ukinutih odluka u krivičnim i upravnim predmetima. Naime, od 64 preispitivane odluke u krivičnim predmetima njih 23 ili 36% je ukinuto, dok je od 109 odluka u upravnim predmetima njih 26 ili 24% ukinuto. Kad su u pitanju drugostepeni građanski predmeti od 63 preispitivane odluke po reviziji samo 4 odluke ili 6% je ukinuto. Za realizaciju ovog cilja, prvenstveno na upravnim predmetima, kao rizik je prepoznata dužina trajanja

postupka pred Vrhovnim sudom F BiH, tako da efekt preduzetih mjera neće biti vidljiv u narednom periodu.

Strateški cilj 3. -Unapređenje transparentnosti rada suda

U okviru strateškog cilja prioritet je jačanje povjerenja javnosti u sud što se može postići većom transparentnošću u smislu ažurnog objavljivanja informacija o radu suda koje su razumljive svim građanima a koje su značajne sa aspekta prava na pristup sudu i uopšte, prava na pravično suđenje. Uočen je izostanak informacija o postignutim rezultatima rada u pogledu smanjenja broja neriješenih predmeta, skraćivanja prosječnog trajanja postupka i drugim aspektima koji ukazuju da sud već duži vremenski period ostvaruje pozitivne rezultate koji doprinose vladavini prava, a koji su do sada ostali manje vidljivi javnosti.

4) Analiza unutrašnjeg i vanjskog okruženja u kojem radi sud

SWOT analiza predstavlja most između sadašnjeg stanja, koje je utvrđeno situacionom analizom, i željenog budućeg stanja koje se definiše strateškim planom razvoja. Ovaj koncept nam daje sistematsku analizu prijetnji i prilika, kao i njihovo usaglašavanje sa jakim i slabim stranama suda. SWOT analiza obezbjeđuje informacije korisne za usklađivanje kapaciteta i sposobnosti sa okruženjem u kojem sud djeluje.

SNAGE	SLABOSTI
<ul style="list-style-type: none">- Dobri uslovi rada- Dobra materijalno- tehnička opremljenost suda- Educirane, iskusne i kompetentne sudije građanskog odjeljenja- Educirani i iskusni uposlenici suda- Kvalitet, efikasnost i ažurnost predmeta na građanskom referatu- Korištenje internet platformi za educiranje uposlenika suda	<ul style="list-style-type: none">- Nedovoljna efikasnost rada na prvostepenim krivičnim predmetima- Lošiji kvalitet sudskih odluka na krivičnim i upravnim predmetima- Nedovoljna aktivnost suda u objavama i informisanju javnosti o aktivnostima suda- U dogledno vrijeme nedovoljan broj iskusnih sudija
PRILIKE	PRIJETNJE
<ul style="list-style-type: none">- Sudjelovanje u izmjenama zakonske regulative- Interes donatora za rad suda- Edukacije sudaca i uposlenika putem webinara- Prisutnost međunarodnih organizacija koje pružaju podršku migrantima	<ul style="list-style-type: none">- Kompleksan politički sistem i njegovi akteri u Bosni i Hercegovini- Rast broja migranata na području Unsko-sanskog kantona i povećan broj krivičnih djela čiji su počinioci migranti- Nedostatak sudskih tumača za maternje jezike migranata- Neredovne isplate naknada za braniocce po službenoj dužnosti i sudske tumače- Nemogućnost planiranja potrebnih ljudskih i materijalnih resursa zbog neizvjesnosti oko očekivanog priliva većeg broja predmeta ratnog zločina

Kantonalni sud u Bihacu, za razliku od većine sudova u Bosni i Hercegovini, kao svoju snagu ističe dobre uslove rada u novoj zgradi i njenu materijalno tehničku opremljenost, koja je dijelom napravljena i opremljena iz donatorskih sredstava. Ovakvi uslovi omogućili su ovom sudu da u vrijeme pandemije izazvane corona virusom, gotovo nesmetano organizuje rad suda u skladu sa uvedenim epidemiološkim mjerama (izuzetak održavanje glavnih pretresa sa većim brojem optuženih). Također, suci su se tokom svog dugogodišnjeg rada u pravosuđu specijalizirali za rješavanja predmeta iz određene oblasti.

Kao slabost u određenoj mjeri Kantonalni sud u Bihacu prepoznao je u radu na prvostepenim krivičnim predmetima iz oblasti organizovanog kriminala i korupcije. U pravilu, ovo su predmeti sa većim brojem optuženih, svjedoka i dokaza koje treba izvesti a koji usložnjavaju rad na ovim predmetima. Međutim, bez obzira na složenost

postupka, rješavanje ovih predmeta u razumnim rokovima je prioritet suda. Kao slabost je zapažena i činjenica da će sud napustiti jedan broj iskusnih sudija zbog ispunjavanja uslova za starosnu penziju. Kako će se to dogoditi tokom ove i naredne godine, već su pokrenute aktivnosti radi blagovremenog imenovanja drugih nosilaca pravosudne funkcije.

Kada su u pitanju prilike ističemo mogućnost učešća u izmjenama zakonske regulative, edukacijama sudija i zaposlenika. Također, kao svoju priliku vidimo u, još uvijek, izraženom interesu donatora za rad suda kako bi, koristeći njihova sredstava, još više unaprijedili uslove rada.

Najveća prijetnja i izazov su politička neizvjesnost kao i veliki priliv migranata na područje Unsko-sanskog kantona a što je rezultiralo i povećanim brojem krivičnih djela i postupcima koji se vode pred sudovima na području našeg kantona protiv ovih lica. Rad na postupcima koji se vode protiv ovih lica je znatno otežan iz razloga što nema sudskih tumača, pa ni drugih lica koja poznaju maternji jezik migranata. Prijetnja radu suda su i neredovne isplate naknada braniocima po službenoj dužnosti, kao i sudskim tumačima što može dovesti do obustave pružanja njihovih usluga, a za posljedicu imati zastoja u vođenju krivičnih postupaka.

B. Pregled strateških ciljeva suda

Naziv strateškog cilja	Izvor	Program u DOB-u	Partneri
Unapređenje efikasnosti rada suda	Strateški plan VSTV-a Cilj: Unaprijediti efikasnost sudova Strategija za borbu protiv organizovanog kriminala u BiH Cilj: Očuvanje sigurnosti i stabilnosti građana BiH	611000- Plaće i naknade zaposlenika	VSTV Ministarstvo finansija
Pokazatelji za krajnje rezultate	Očekivani rezultati po godinama		
	2021	2022	2023
Broj neriješenih predmeta iz oblasti organizovanog kriminala i korupcije	5	3	2
Procent riješenosti priliva predmeta	95%	97,5%	100%

Naziv strateškog cilja	Izvor	Program u DOB-u	Partneri
Unapređenje kvaliteta rada suda	Strateški plan VSTV-a Cilj: Unaprijediti kvalitetu rada pravosuđa u BiH	611000- Plaće i naknade zaposlenika	VSTV
Pokazatelji za krajnje rezultate	Očekivani rezultati po godinama		
	2021	2022	2023
Procent ukinutih odluka na krivičnom referatu	30%	25%	20%
Procent ukinutih odluka na upravnom referatu	20%	15%	10%

Naziv strateškog cilja	Izvor	Program u DOB-u	Partneri
Unapređenje transparentnosti rada suda	Strateški plan VSTV-a Cilj: Unaprijediti otvorenost i dostupnost informacija o radu pravosudnih institucija u BiH stručnoj i široj javnosti	611000- Plaće i naknade zaposlenika	VSTV
Pokazatelji za krajnje rezultate	Očekivani rezultati po godinama		
	2021	2022	2023
Broj objava na web stranici suda	+5%	+7%	+9%

C. Trogodišnji ciljevi i aktivnosti po strateškim ciljevima

Strateški cilj 1		Unapređenje efikasnosti rada suda		
Troglodišnji cilj 1.1.		Smanjen broj neriješenih predmeta iz oblasti organizovanog kriminala i korupcije		
Pokazatelji za izlazne rezultate		Očekivani rezultati po godinama		
		2021 (n)	2022 (n+1)	2023 (n+2)
Broj neriješenih predmeta iz oblasti organizovanog kriminala i korupcije		5	3	2
Redni broj	Naziv aktivnosti za 2021. godinu	Rok izvršenja		Nosilac
1.	Analiza predmeta i utvrđivanje razloga zbog kojih nisu riješeni	III kvartal		Predsjednik vijeća Predsjednik krivičnog odjeljenja
2.	Utvrđivanje prijedloga mjera za efikasno vođenje glavnih pretresa i njihovo provođenje	III kvartal		Predsjednik vijeća Predsjednik krivičnog odjeljenja
3.	Analiza efikasnosti utvrđenih mjera i po potrebi preduzimanje dodatnih aktivnosti	IV kvartal		Predsjednik vijeća Predsjednik krivičnog odjeljenja Predsjednica suda

Strateški cilj 1		Unapređenje efikasnosti rada suda		
Troglodišnji cilj 1.2.		Rješavanje priliva predmeta na drugostepenim i upravnim predmetima		
Pokazatelji za izlazne rezultate		Očekivani rezultati po godinama		
		2021 (n)	2022 (n+1)	2023 (n+2)
Procent riješenosti priliva drugostepenih predmeta		100%	100%	100%
Procent riješenosti priliva upravnih predmeta		90%	95%	100%
Redni broj	Naziv aktivnosti za 2020. godinu	Rok izvršenja		Nosilac
1.	Izrada kvartalnih planova za drugostepene predmete i praćenje realizacije	III-IV		Odjeljenje sudske uprave Sudije
2.	Izrada godišnjeg plana i revizije plana za prvostepene predmete i praćenje realizacije	III-IV		Odjeljenje sudske uprave Sudije
3.	Analiza podataka o riješenosti priliva predmeta, te utvrđivanje i provođenje mjera za otklanjanje eventualnih problema	III-IV		Sudije Predsjednici odjeljenja Predsjednica suda
4.	Analiza razloga eventualnog nerješavanja priliva upravnih i građanskih predmeta	III-IV		Građansko odjeljenje
5.	Analiza i diskusija o razlozima i predlaganje mjera za ubrzanje postupaka upravnih predmeta	III-IV		Građansko odjeljenje
6.	Analiza razloga eventualnog nerješavanja priliva krivičnih i prekršajnih predmeta	III-IV		Krivično odjeljenje
7.	Praćenje realizacije usvojenih mjera	III-IV		Predsjednici odjeljenja Predsjednica suda
8.	Praćenje broja i strukture predmeta raspoređenih sudijama te eventualno izmjena rasporeda ili broja predmeta ako nove okolnosti to zahtijevaju	III-IV		Predsjednici odjeljenja Predsjednica suda

Strateški cilj 2.		Unapređenje kvaliteta rada suda		
Trogodišnji cilj 2.1.		<i>Smanjen procent ukinutih odluka na krivičnom referatu</i>		
Pokazatelji za izlazne rezultate		Očekivani rezultati po godinama		
		2021 (n)	2022 (n+1)	2023 (n+2)
Procent ukinutih odluka na krivičnom referatu		30%	25%	20%
Redni broj	Naziv aktivnosti za 2020. godinu	Rok izvršenja (po kvartalima u 2021. godini)		Nosilac (najmanji organizacioni dio)
1.	Analiza razloga koji su doveli do ukidanja sudskih odluka	III-IV		Postupajući sudija Predsjednik odjeljenja
2.	Praćenje sudske prakse	III-IV		Predsjednik odjeljenja
3.	Redovno održavanje sjednica kolegija odjeljenja suda	III-IV		Predsjednik odjeljenja

Strateški cilj 2.		Unapređenje kvaliteta rada suda		
Trogodišnji cilj 2.2.		<i>Smanjen procent ukinutih odluka na upravnom referatu</i>		
Pokazatelji za izlazne rezultate		Očekivani rezultati po godinama		
		2021 (n)	2022 (n+1)	2023 (n+2)
Procent ukinutih odluka na upravnom referatu		20%	15%	10%
Redni broj	Naziv aktivnosti za 2020. godinu	Rok izvršenja (po kvartalima u 2021. godini)		Nosilac (najmanji organizacioni dio)
1.	Analiza razloga koji su doveli do ukidanja sudskih odluka	III-IV		Postupajući sudija Predsjednik odjeljenja
2.	Praćenje sudske prakse	III-IV		Predsjednik odjeljenja
3.	Redovno održavanje sjednica kolegija odjeljenja suda	III-IV		Predsjednik odjeljenja
4.	Zauzimanje pravih stavova i pravnih shvaćanja radi ujednačavanja sudske prakse	III-IV		Sudije Predsjednik odjeljenja

Strateški cilj 3.		Unapređenje transparentnosti rada suda		
Trogodišnji cilj 3.1.		<i>Informisanje javnosti o pitanjima značajnim za rad suda</i>		
Pokazatelji za izlazne rezultate		Očekivani rezultati po godinama		
		2021 (n)	2022 (n+1)	2023 (n+2)
Broj objava na web stranici suda		+5%	+7%	+9%
Redni broj	Naziv aktivnosti za 2020. godinu	Rok izvršenja (po kvartalima u 2021. godini)		Nosilac (najmanji organizacioni dio)
1.	Utvrđivanje liste akata koji se redovno objavljuju na web stranici suda	III		Predsjednica suda Predsjednici odjeljenja Odjeljenje sudske uprave
2.	Objavlivanje odluka od značaja za organizaciju rada suda a prema listi akata koji se objavljuju	III-IV		Odjeljenje sudske uprave
3.	Objavlivanje statističkih i drugih izvještaja o radu suda prema utvrđenoj listi akata koji se objavljuju	III-IV		Odjeljenje sudske uprave

D. Godišnji plan rješavanja predmeta

Plan rješavanja predmeta se izrađuje u skladu sa važećim Uputstvom za izradu planova rješavanja predmeta usvojenog od strane VSTV-a.

Pored godišnjeg plana rješavanja prvostepenih predmeta, kantonalni sudovi su u obavezi da sačinjavaju i kvartalne planove za drugostepene predmete.

Godišnji plan rješavanja sudskih predmeta za 2021. godinu

Redni broj	Naziv sudskog odjeljenja	Broj sudija u sudskom odjeljenju	Broj planiranih sudskih predmeta	Norma po sudiji
1.	Građansko odjeljenje	12	288	242
2.	Krivično odjeljenje	3	19	55

Broj: 001-0-Su-21-000 477
Bihać, 21.06.2021. godine



Predsjednica suda:
Fata Nadarević